

BOSNA I HERCEGOVINA
FEDERACIJA BOSNE I HERCEGOVINE



BOSNIA AND HERZEGOVINA
FEDERATION OF BOSNIA AND HERZEGOVINA

TUZLANSKI KANTON

MINISTARSTVO ZDRAVSTVA

TUZLA CANTON

MINISTRY OF HEALTH

Broj: 13/1-33-000855/22
Tuzla, 18.01.2022.godine

SMJERNICE ZA UPUĆIVANJE OSIGURANIH LICA ZAVODA ZDRAVSTVENOG OSIGURANJA TUZLANSKOG KANTONA NA OBAVLJANJE USLUGE PAPA TEST

I UVODNE NAPOMENE

Smjernicama za upućivanje osiguranih lica Zavoda zdravstvenog osiguranja Tuzlanskog kantona na obavljanje usluge papa test (u daljem tekstu: Smjernice) utvrđuju se osnovne smjernice kojih su se obavezne pridržavati zdravstvene ustanove koje imaju zaključen ugovor sa Zavodom zdravstvenog osiguranja Tuzlanskog kantona i izabrani doktor medicine primarne zdravstvene zaštite (u daljem tekstu: izabrani doktor) koji upućuje osigurano lice na obavljanje usluge papa test, a po posebnim ugovorima/okvirnim sporazumima koje zaključi Zavod zdravstvenog osiguranja Tuzlanskog kantona (u daljem tekstu: Zavod) za pružanje ovih usluga.

Navedene usluge pružat će ugovorne zdravstvene ustanove koje su zaključile posebne ugovore/okvirne sporazume za indikacije koje su utvrđene ovim Smjernicama.

Prilikom upućivanja osiguranih lica na obavljanje papa testa izabrani doktor može uputiti osigurano lice samo u skladu sa indikacijama utvrđenim ovim Smjernicama.

Osigurana lica će pravo na obavljanje usluge papa test obavljati na osnovu uputnice koju će izdavati izabrani doktor na osnovu Smjernica

Sastavni dio ovih Smjernica je obrazac uputnice za obavljanje usluge papa test u zdravstvenim ustanovama koje su zaključile ugovor/okvirni sporazum za pružanje navedenih pretraga, a na osnovu ovih Smjernica.

Usluga papa test koja je medicinski indicirana, a ne uključuju indikacije obuhvaćene ovim Smjernicama pružat će se po osnovu ugovora o pružanju bolničke zdravstvene zaštite zaključenog između JZU UKC Tuzla i Zavoda, odnosno ugovora za pružanje zdravstvene zaštite zaključenih između JZU domova zdravlja i Zavoda.

Osiguranim licima Zavoda kojima je preporučena navedena usluga papa test, ali indikacije nisu sadržane u ovim Smjernicama, upućuju se na obavljanje istih izdavanjem standardnih uputnica.

Nadzor i kontrolu nad upućivanjem osiguranih lica nad obavljanjem usluge papa test vrši Zavod zdravstvenog osiguranja Tuzlanskog kantona.

Zavod zdravstvenog osiguranja Tuzlanskog kantona je dužan donijeti opšti akt kojim će urediti postupak i proceduru za odobravanje usluga papa test, način i postupak prijema uputnica,

raspoređivanja osiguranih lica na obavljanje usluga papa test po ugovornim zdravstvenim ustanovama, nadzor i kontrolu zdravstvenih ustanova.

II SMJERNICE ZA USLUGU PAPA TEST

Rak grlića maternice je po učestalosti drugi maligni tumor ženskog genitalnog sistema u svijetu.

Papa test je jednostavna i neinvazivna medicinska pretraga kojom se uzima mala količina površinskih stanica rodnice, vrata maternice i kanala vrata maternice. Taj se uzorak stanica zatim šalje u citološki laboratorij, gdje se analizira pod mikroskopom. Papa test prvenstveno služi za otkrivanje promjena na stanicama vrata maternice prilikom probira radi ranog otkrivanja raka vrata maternice, ali i upalnih promjena. Rezultati mogu ukazivati i na prisutnost nekih mikroorganizama i infekcija, ali su za dijagnozu infekcija potrebne dodatne mikrobiološke pretrage.

Papa test se u skladu sa ovim Smjericama izvodi kao:

- a) **Skrining pregled**
- b) **Dijagnostički pregled**

I Skrining pregled – papa test:

Indikacije:

Pravo na skrining pregled – papa test imaju žene koje nisu radile papa test u posljednje tri godine i to:

- a) Žene starosti od 40 do 60 godine života,
- b) Žene od 21 godine života odnosno tri godine nakon početka spolno aktivnog života do 40 godine života sa prisutnim riziko faktorima za rak grlića i to:
 - 1) pozitivna porodična anamneza,
 - 2) imunosupresivna terapija.

Upućivanje na skrining pregled – papa test vrši izabrani doktor, a na osnovu indikacija utvrđenih ovim Smjericama.

II Dijagnostička pregled – papa test:

Indikacije:

Pravo na dijagnostički pregled papa test imaju žene sa sljedećim indikacijama:

- a) promjenama na grliću maternice koje se verifikuju prvi put kliničkim pregledom specijaliste ginekologa.

Upućivanje na dijagnostički pregled – papa test vrši izabrani doktor, a na osnovu indikacija utvrđenih ovim Smjericama i preporuke specijaliste ginekologa.

III ZAVRŠNE ODREDBE

Izmjene i dopune Smjernica vršit će se na način i postupku za njihovo donošenje.

Stavlja se van snage Doktrinarni pristup/smjernice za upućivanje na mamografiju i PAPA test broj: 13/1-33-000155/22 od 07.01.2022.godine.

Ove Smjernice stupaju na snagu danom donošenja.

Dostavljeno:
1x ZZO TK
1x Evidencija
1x a/a



MINISTAR

dr.med. Božo Jurić

